

+H

corpus: ReF.RUB

language-area: moselfränkisch

language-region: westmitteldeutsch

language-type: mitteldeutsch

genre: P

medium: Handschrift

time: 15,2

reference: Hs.: Blatt (r/v), Kolumne (a/b), Zeile

corpus-sigle: F181, III-Cb-P1, H

text: Pater Noster in wlgari expositum per cardinalem de Cusa

text-author: Nikolaus Cusanus

text-type: EB: Erbauliche Texte (Predigt)

assignment\_quality: Z2

hoffmann\_wetter\_nr: HW 311; ZK(C)

library: Dresden, Landesbibliothek

library-shelfmark: Mscr. M 211

date: 1451; Entstehung des handschriftlichen Überlieferungsträgers 2. Hälfte 15.Jh. (um 1460-71 gemäß Wasserzeichenbefund von Hoffmann)

place: -

text-place: -

printer: -

edition: Cusanus Texte: I. Predigten. 6. Die Auslegung des Vaterunsers in vier Predigten. Hrsg. v. Josef Koch und Hans Teske. Heidelberg 1940 (SBH PhH 1938/39,4) S. 24-95.

size: -

language: fnhd

literature: -

notes-transcription: Die Auslegung des Vater Unser ist in mehreren Predigten (u.a. XVII, XVIII, LXXI, CXCIV) erhalten. In der Frühneuhochdeutsch-Datenbank wird die Predigt XVIII zur Bearbeitung ausgewählt. Die vorliegende Handschrift stimmt jedoch mit dem Text der o.g. Edition (Koch/Teske) zur Predigt LXXI weitestgehend überein und scheint ihr näher zu sein als der Edition zur Predigt XVIII. Das Marburger Repertorium identifiziert den Text als Predigt LXXVI, jedoch treffen die Merkmale bezüglich des Zeit- und Sprachraums auch für die uns vorliegende Handschrift zu, weshalb diese zur Bearbeitung beibehalten wurde; alle Satzmajuskeln sind rubr.; Virgeln sind z.T. rubr.; {i} und {i} vorhanden; \{}&1 = Kürzungszeichen; \{}&2 = et cetera-Kürzungszeichen? prüfen: {a} und {o}, Nasalstriche, {I} und {J}, rubr. Majuskeln und Minuskeln

abbr\_ddd: CusaNos

extent: FnhdC: -; compl: komplett

extent-size: FnhdC: -; compl: 3.663

@H

F181-01r,01 Eyne kleyne lere/ uff daz heylige pater nofter/ als vns der legäte gepprediget had zcū wynn// Von dem pater nofter/ AN deme erftin zcu reden von deme gebete dez heyligē pater nöfter<sup>①</sup> daz der höchste meiftir vnßir liebír/ h<sup>re</sup> Jhefús Criftus fynē liebín Junghern gelernet vnd vns zculetzt gelaffen had Wy vnd waz wir/ bitten follē Daz fint fo hoche wart/ daz alle dy lerere dy gewest fint vnd ewichlichin geborē werdē Den fyynn differ wort nicht ußgespreche mogē Wywole dy jung<sup>en</sup> alleynē hortē mēschliche wort Vnd gedachte ör were gar eý wifer mē=

F181-01r,02 fche/ Vnd wuſtē dennoch dez gotlichē wēſes nicht vnd der meynūge/ dy ín den wortē beſloſſē waz Man faget von dem büche Centencia<sup>4</sup> daz alle ſchülere vnd lere<sup>s</sup> vor daz höchſte buch haldē vnd íft alfo Nach heldet daz pater nofter tuſēt mäl mehír jnn/ Wanne mā fraget waz ſin ane

F181-01r,03 fang íft/ fo faget ez von wanne alle ding eynē uſgang/ vnd eý wēfen habín Waz darnach wy alle ding von deme felbē uſ ghen Vnd dar=

F181-01r,04 nach/ wo alle ding hene kómen müſſen/ Daz alles h[...]d/ daz pater nofter/ jnnē vnd alle vnß<sup>s</sup> notdorfft/ vnd wes wir begerē mogen darzu Daz daz wär fy daz had Criftus bewert/ daz hy keín bliben nicht en íft/ nach gefy mag / vnd wir müſſen von deme enelende Jn korczer zcýt trachten zcu komē/ zcu deme ewigen/ von dannē dy fele uſ gegangenē íft Daz bewert he met der warheit da he durch dy marter ſchíjd von der werlde/ daz keín blybē hy nicht en fy/ Da was vns nad/ daz wir ymandes hettín/ der vns dē weg zceigete vnd lernete/ den víl phyloſophen/ vnd clug<sup>①</sup> mēſchen nicht findē kondē/ vnd wol darnach gedachten mít groſſer arbeit ez waz dach alles vñefüft/ biß daz daz ewige wort qwam/ uſ dem willē dez hēmelíſchen vatírs erabe zcu vns armē mēſchē/ daz manīg tuſent jar v<sup>s</sup>borgē waz/ daz wart vns da uffenbar durch fynē eynē geboīn fōn/ vnßín h<sup>rm</sup> jhm Criftum/ vō dem worte Scūs Johēs geſchrebē had Jn dem

begynn waz daz wart/ vnd das wart waz by gote/ vnd god waz daz wort/ vnd durch ön wordē alle ding geschaffen/ vnd durch ane ön wart nichtis nicht geschaffen/ Dez nem ey ebenilde Eyn mēsche had eyen wort jn dē gedechtenisse willē zcu redenē So weiß ny=

F181-01r,05 mande waz daz wort fñ/ adir bedut[...]t zcu bren=

F181-01r,06 gene①/ biß ez uß gesprechen wert/ vnd geüffent Danne wert man erst in jñne/ wy gud ez ift / vnd waz nucz es brenget/ vnd faget ez ey mēsche den and<sup>n</sup>/ Vnd brengit nucz allē dy ez vordir/ herē vordir/ vnd daz ey wort mochtē tufent also wol horē/ als ey mensche/ vnd ift ouch in eynes iglichē mēschē gi oren ganz vnd vngeteilt// Also ift vnge

F181-01r,07 wylt daz ewige wort uß gegangē uß deme willē dez hēmelifchin vaters/ dadurch wir ge

F181-01r,08 wisset/ vnd gelernet werdē den weg zcu ghē vō dē jāmertale zcu dē ewigen vroyden/ Adir wy vnd wo du betten falt/ dez werdiftū alles vnderwiefet/ daz dir/ notdorfftig ift zcu libe/ vnd zcu fele/ daz vindestu in dē heyligē / pater noster/ daz der obirfte meistir vnßir h<sup>re</sup> jhesu xpūs dez lebendē gotis sōn fyne liebīn jung<sup>n</sup> gelernet had/ vnd vns zcu letzt gelassen / dy an ön glauben würdē// Eynes mals sp<sup>a</sup>chen dy jung<sup>n</sup> vnßs h<sup>re</sup>in jhesu Cristī/ h<sup>re</sup> lerevns bethe// Da sprach he/ wanne ir betin wollet so sprechit also/ Vater vnßir der du bist in dē hēmeln geheyliget werde/ dīn name/ zcu kōne vns dīn rīche/ dīn wille gefchē/ als jn den hēmeln vnd jn den erdin/ Geb vns h<sup>re</sup> vnse hute vnse tegeliche brot/ vnd vorgeb vns Vnse schulde/ als vnd wir/ v<sup>s</sup>gebin vnßs schuldē=

F181-01r,09 geren/ vorlaß vns nicht/ jn vorfuchunge / fund<sup>n</sup> erlaße vns von obele AmēN VAtēr vnßir/ Das nū eyen vater fñ / daz vindet man in der natūr// daz eyen vater ift eyen anefang andir dinge① dy uß yme kōmen/ adir flyßen// Der sōn kōmet von deme vate<sup>s</sup>/ Daz zcwigelin vnd dy frucht vō deme boūme/ Daz wasser vō dē orsprünge/ vnd also vmer mehīr vord vnd vord// God der vater ift eyen orsprūg allir dinge/ dy jn hēmel vnd erden sint / vnd erdacht mogen werdē/ vnd kōmet vō ym alleynē/ vnd ift dach dryfaldig in der persōn/ vnd ift dach nicht wēn eyns vnd uß eyne bomē vel/ wanne alle zcal had eyne anefang mit eyne/ vnd müß sich eynen met eyne/ vnd keyne zcāl mag ganz gefy wo eyns abeghed// Eyns ift vel/ vnd vele ift dach met eyns/ vnd alle ding ghen vnd kōmē uß ym daz ift vël// Also sint dry mehīr wān eyns/ vnd eyns ift dry/ daz merke also / Eyns/ Eyns/ Eyns/ daz vordir ift eyns/ das hinder ift eyns/ Daz myttel ift eyns/ Vnd dy dry sint sit dach met eyns/ jft daz nicht wār Ez ift vor tufent jaren vnd alle wege wār gewest vnd ift ewiglichīn wār// Sanč<sup>9</sup> Augustin<sup>9</sup> spricht der lerer// ffrage dē hēmel alle creatūr vnd alle Element ab fy god fñ Adir vō ön felbist ör wesen haben Sy sp<sup>a</sup>chen Nejn/ Von wenā danā/ von gote dē alle=

F181-01r,10 mechtigen alleynē der vns geschaffen had Der du bist in den hēmeln ② ② ② Jn dē hēmele sint alle ding beslossen / vnd habīn yre wesen von den vier elementē Als der mensche had eyne v<sup>n</sup>ufftīge fele① vō gote der jn hēmel ift/ vnd den lichnam von der erden/ vnd den Elementen/ Nach der fele fñ wir gote am neftin vor alle creatūr Daryme follē wir god erkennen / als vel als vns hy mogelichīn ift vor alle creatūr igliches nach fyne Ampte/ vnd wese Als wir daz an vnßme eygeīn lichnā habē / daz ey iglich geled hadīn ampt/ darzu ez geordent ift// Also fal dy fele gote dynen / vnd lieb habīn durch dy erckentenisse① vnd kreffte der fele Andirs mochte he nichtis getan// Eyn roß Eyn esel Adir eyen hūth sint auch von den Elementē also wol als der mensche/ Also ift igliches geordent/ Von gote Daz oūge fyhet alle varbne Rōd wiß/ fwārcz/ Dy orēn fyhen der varwe nicht So horen ouch dy oūgen nicht/ waz man finget adir/ faget/ Adir dy vftentenisse jñnewendig in der fele/ v<sup>n</sup>ympt/ behelt/ vnd vorstehet/ / waz diß/ adir daz ift/ vnd wy man alle ding erckennet met vnderfcheide/ vnd also werd erkant daz bofe by deme guten/ Rad/ ad<sup>s</sup> swarz by/ wieß/ Adir der fcheher by der Creatūr dy her geschaffen had Geheyliget werde dīn Name/ By deme namen erckennet man alle ding also vele als erkant mag werden Petern / vnd paul[...] [...]u/ eyns vnd daz and<sup>e</sup>/ Adir in dē namē dez vaters erckennet mā alle ding/ ez fy kleyne/ adir groß wān got ift so vollen=

F181-01r,11 kōmen Daz nichtis großers mag gefy/ nach nichtis so kleyne gefy/ god ift met fyner ge

F181-01r,12 walt darjñne/ Dez nem eyen ebinilde/ by fenffe Adir by mähēnkornen/ den had god dy krafft gegeben/ daz ör eyns diße gancze werlt mochte erfulle/ met fyner crafft wān eyns mag brengē tufent Abir iglich tufēt / daz ift tufentmāl tufent/ vnd wordē so vel tufēt y mehīr mehīr vnd mehīr/ daz fyner dy gancze werlde vol worde/ daby vstehit man dy· Großmechtikeit gotis/ vnd fynē heyligē namē wie fal he abir geheyliget werde/ jft he dach vōre heylig/ daz vorsthehe also/ fyn name fal in vns geheyliget werde/ met lobe vnd erē hy/ daz vns v<sup>s</sup>legīn werde/ daz wir ön ewi=

F181-01r,13 clichin met allen heyligē/ vnd engeln löben / vnd eren/ vnd met sprechīn// heyligir/ heylig<sup>s</sup> / heyligir h<sup>re</sup> vnd god von fabaath/ vōl sint hēmel vnd erdē dyner eren Also wert der name gotis jn eyne iglichīn fromē menschen hy uff erden geheyliget/ der da tud vnd vol=

F181-01r,14 brengēt den willen gotis ¶ Den kome vns dīn rīche Du falt nicht gedenken daz das rīche gotis zcu dīr kome Neyn nicht also/ Ez ift daz dy gnade dez heyligē geiftis zcu dīr kome/ vnd dich vnderwīfe/ vnd lere<sup>s</sup> met frede zcu lebēn keīn gote/ vnd dyme nehīstīn/ daz du also met ym v<sup>s</sup>eyned werdift hñ/ daz du komest zcu dē rīche da ewig frede vnd eynūge ift/ Wiltu daz rīche besiczen/ so müftu met eyne fredesamē herczīn leben/ Andirs machstu da hene nicht kōmē Wān welches rīch geteylt ift daz mag nicht bestēn Als in dē Ewāgelio dez h<sup>re</sup>en geschrebin ift/ vnd gesprochen Vß fyne gotlichen mūde Dmē regnū in se diuīfū 7c// Daz ewige rīche gotes / vnd daz rīche differ werlde/ sint gar verne vaneinander/ Wollen wir kome von dem v<sup>s</sup>genglichīn rīche zcu dē ewigē / daz muß geschen/ durch jhesum cristū/ vnd fynē vordīnft/ vnd müssen alle daz ende=

F181-01r,15 lichīn v<sup>s</sup>fmehīn/ vnd uff gebe ab ez nad ift Alles daz wir hy besitzcē/ durch gotis willē willeclichīn

hud/ vnd här/ vnd daz lebîn darczu/ der konīg/ vnd alle furften habin ez hinder ön müß lassen/ ez fy ön lip/ adir leit/  
Alle ding fint hÿ vnglich vnd geteilt in dem Riche differ werlde① / Der lip ist wedir den geist/ Der bofe wed<sup>s</sup> den guten/  
vnd wo zcweitracht ist/ da mag dy liebe nicht gefÿ Darvmb mag ez nicht bestehn/ Abir in deme riche gotis fint alle Ding  
vseynt in der liebe dy ewiglich blibet So alle and<sup>e</sup> togende/ der gloube// dy haffe=

F181-01r,16 nûge ende nemē So blibet dach dy liebe ewiglichē in deme willen gotis// ¶Din wille geschÿ Alles daz  
da ist/ daz had eyne ußfloß vnd gefchyd nach dem wil[...] Gotis Ez ist ouch kein ding ez habe dry eygenthschafft/ uß dem  
ußfloß/ der hey=

F181-01r,17 ligen dryualdikeit/ Ez had sin wesen/ Syne krafft Syne substancien uff erdē durch den ußfloß werket  
dy krafft/ daz alle ding eyns/ daz and<sup>e</sup> gebert/ vnd eyns uß deme and<sup>n</sup> wechset/ nach dem willē gotis ouch in dem  
hēmele [...] Waz had got anegesehē ehîr dāne he hēmele vnd erdîn geschaffen had/ gar nîchtes/ He bedorffte ouch kein  
wergkezoiges darczū/ da he wolde da waz ez geschen / vnd uß nîchte daz waz der wille gotes/ Der wille gotis der sal in  
vns geschen jnnwendig in der fele der vñufft/ vnd der vstendikeit dy wir von hēmele habē enphangen/ Vnd in der erden  
daz ist in vnßme lichenam/ den wir haben von der erden/ So sal vnßir bethin vnd meynûge sÿn/ daz wir hy an libe / vnd  
an fele voreynet werdin in deme willen gotis/ vnd in vns geschÿ/ vnd vbracht werde/ Der mensche ist eyne beflissunge  
aller creatür Vnd daz letzte daz got geschaffen had/ vnd nach d<sup>s</sup> fele Vnd der vñufft/ so ist he eyn god allir cre=

F181-01r,18 atür darnach sal he lebin/ vnd nicht nach deme fleissche/ Daz ist der efel/ derfelbige sal dy vñufft  
ryten an deme zcöume/ daz he fy nicht erre trage①/ eyne and<sup>n</sup> weg der vsterbûge Also geschijdt der wille gotis In der  
erdin/ daz ist in vnßme lichenam der eÿ erde ist/ Als her in hēmele geschijdt[...] ¶Geb vns hute vnße tegeliche brad DER  
mēsche had zcwn natür/ dy fele/ vnd den lichnam jglichen muß lebe nach sÿn<sup>s</sup> spise / vnd dez brotes/ alß ÿm zcemet/ vnd  
yr iglich mag ane sin brod nicht gelebîn/ Wann wir sint wegefertig/ vnd pilgeryme hÿ Dy fele bedarff dez heyligē brotes/  
wann fy krang wert vō den fundē zcu sterckē/ Ouch wann fy vō hynnē scheydē sal mir zcu eÿm geferten/ daz ist daz  
lebēn brod/ daz vō hēmele kōmen ist/ daz muß vnße geleite hen wed<sup>s</sup> sÿn/ wöll wir genesē an der fele/ Daz brad had gad  
nicht genōmen von adām/ he waz vsthumet/ vnd alle sÿne nachkomē waren menschen/ vnd mußt sterbîn/ Soldē wir wed<sup>s</sup>  
zcu gnadē vnd zcu dem ewigen lebē komē So mußt god dy menscheit an sich nemen Daz der mensche met gote vseynt  
worde① / daz eÿ mitteler/ wē zcuffchē gote vnd dem menschen Da ist eyne frage ab ez nad fy ge

F181-01r,19 weßt daz god dy mēscheit had an sich genomē / Ja/ Ez waz garnöd/ vns armē menschen zcū d<sup>s</sup> erlosunge  
Abir gote waz sÿn nicht nod/ he bedorffte sin ouch nicht/ yme ist ouch key nütz daruß kōmen/ wann god ist eÿ vollenkōmēs  
gud/ daz he alle ding dy heschaffen had/ zcu hund<sup>t</sup> mölen besser mochte gemachtē/ ane alle arbeit/ Aber sich selbist mag  
he nicht besser nach follenkōmēn gemache Vndraft in ÿme selbist/ Aber waz hadan darczu ge

F181-01r,20 bracht/ daz he mēsche ist wordē Nicht and<sup>s</sup> wēn dy großē liebe/ dy he zcu vns ge

F181-01r,21 habt had Als wir/ von adam alle storbin Also sint wir in cristo deme h<sup>rm</sup> alle er

F181-01r,22 qwigkt wordē/ Wir sprechin vnßir brad wir sint alle gelede der heyligē criftlichē kerchin/ vnd werdîn  
gespiset/ wann dy fele had eyne ußfloß von gote/ der spise muß fy lebēn/ Also liplichin alle gelede [...]y an dem menschen  
sint/ haupt/ fing<sup>e</sup>/ fuß/ Här/ vnd negele/ nemē yre spise/ dy wile fy zcufamene gefuget/ vnd met deme lichenam vseynt  
sint/ wert ez abir erabe geteilt vō deme lichenam/ so mag yme dy spise nicht zcu hulfe komē/ vō deme lichenam/ Also ist  
ez ouch met den geist=

F181-01r,23 lichen geledern/ der heyligē Romischen kerchin welch geled dauone gescheydin vnd gefnettin ist Ez  
fy met dem banne / adir ketzerie/ Alle gud tete magē ÿm in nicht zcu staten komē/ Gib vns hute sprechin wir vnße  
tegeliche brod/ hute nicht morne/ lebe ich hute morne ben ich villichte tod/ Darÿme geb vns hute/ daz wir nicht sterbîn/  
wann ez ist eyn brod dez lebens/ Daz erkennē wir durch den gloubē Also daz natürliche brad lîjd vor mir/ Jch fyhe ez wol/  
abir dy crafft dy ez in ÿm had fyhe ich nicht Abir ich gloube/ wann ich ez neme vnd daz esse/ [...]az ez den lichnā neret  
vnd spiset/ daz ez war ist/ Dez habē wir eÿ glichenisse dez geistlichin brotes / Eyn Arczt gebin eÿm krankē eyne arczte  
dy on gefunt mag mache/ Der kranke en fyhet nach en weyß nicht waz daz ist wol he dy nicht nemē he wolde danne  
erst wiffen/ wy vnd wovone fy gemacht wē / he mochte so lange zwifeln/ vnd fragen he sterbe villichte in der zcÿt/ vnd  
vorfumete sich also selbist/ dem da wol gehulfen were worden// Darvmb ez ist gar sorg=

F181-01r,24 hafftig/ der fulche hōe ding erfaren vnd wiffen wel/ der daz aller mynste nicht gewissē kan nach en  
mag/ Der neme eyn byspel by eÿm steyne/ der ist kalder natür/ he ist grob vnd finster zcu sehn/ nach had he klares licht  
in ÿme Vnd folche hitze/ daz man eyne gancze stad darmete vbornē mochte/ Darÿme ist ez eyne großē torheit an dē  
mēschē / dy da wollē wiffen fulche hōe ding wy daz/ vnd diß gefÿ mage// Vnd enkonne daz allir mynste nicht gewiffen/  
wy vnd waz god der h<sup>re</sup> eynir mûgen eygent=

F181-01r,25 schafft jn yme wesen vlegin had/ vnd gedenken nur uff sichtigē ding/ als uff dy spise dez liebes dy  
man fyhet/ vnd griffen mag/ Neyn nicht also/ Du mußt ez geistlich vor dich nemē/ Dy liepliche spise dy man fyhet/ vnd  
griffet fy nympt abe/ wirt vczert/ Vnd gemÿnret/ vnd der lip nēmet ouch abe/ vnd wert zcunichte /daz tud dy spise der  
fele nicht/ dy blibet ewichlichin/ wanne dy fele sal ewiglichē lebē /darÿme bedarff fy ewig<sup>s</sup> spise der nicht myn<sup>t</sup> wert nach  
abenēmet/ fund<sup>n</sup> sich tege

F181-01v,01 lichē meret/ dez nem eyn ebinbilde by eyme cleynē lichte Man enzcundit dauone eyns/ zcwei/ zchehē/  
hund<sup>t</sup>/ tufet/ so wert sÿn<sup>s</sup> nicht① deste mynr/ wy vele mā dauōn nēmet// ¶Nu zcu redē vō dem liplichēm brote Geb vns  
hute vnße tegeliche brad Wir sint ge

F181-01v,02 lede<sup>r</sup> xpi He fy konig/ babift/ keifer/ der arme/ als der riche Ez ift vnſir/ wir fint alle brude gotis/ vnd waz wir habin/ das habin wir vō gote der vnſir allir vater ift Darvmb wer mehír von gote enphāgen had/ danne he zcu fyne ſtate bedarff/ vnd helt ez den armē/ vnd den notdorfftigen vore/ dem der dez gutes eyn rechtir erbe ift von gote/ dem heldeftu daz fyne vōr/ vnd biſt ey rouber Abir ez wēret dich nicht lange/ vnd du müſt ez dachlaſſen/ vnd Ez leſſe[...] dich ouch/ vnd ez wert villichte ey<sup>m</sup> and<sup>n</sup> von gote/ der eyn beſſer ſcheffe<sup>n</sup> gotis ift weñ du/ vnd v<sup>d</sup>ynet dadurch das ewige lebin So du ewiclichin v<sup>m</sup>e dyner gyczikeit willē jn der helle bornē müſt/ wert ez danne ey<sup>m</sup>e bofen der ez met funden vortūd/ fo ift dyne pyne deſte groſſer/ vnd meret ſich tegelichē vō iglich<sup>s</sup> funde Alfo l lange alfo daz gud wert/ vnd daz ift mír geredt vō den/ dy wol gewūnen gud oberig gyrlichin behaldē/ Vnd nicht uß gebē/ Als der riche man tud der in der helle beg<sup>a</sup>bin wert// wy geſchud den danñ dy ir gud vnrechtlich Jn yre gewalt/ met abezcügkē/ met bofen Ampten aberyffē/ dus ad<sup>s</sup> ala=

F181-01v,03 fanczē zcu wege brengē/ vnd yrē brude<sup>n</sup> dez hinder yn laſſen/ der ift ouch behedē

F181-01v,04 haldē/ vnd zcu forchteñ ift daz fyne kind/ metſampt yme in daz dritte/ adir virde/- / adir virde geſlechte/ met dem bofē gute vorthumet werdē/ dy yme ewiclichen fluchen/ wywol haſtu ez danne geſchaffē / daz du hy boſſlichē/ vnd hart zcu wege① bracht haſt/ vnd dort ouch ewigē jamer / metſampt den dynē liden müſt ane endē Vorgeb vns vnſe ſchulde alfe wir thoīn v<sup>s</sup>gebin vnſñ ſchuldige<sup>n</sup>/ ② ② ② ② Dy ſchult ift vnſir/ vnd vnſir ift dy ſchuld/ vnd nicht gotis Sal vns vnſe ſchult v<sup>s</sup>gebin werde/ durch wen ſal daz geſchen/ Nicht wenñ durch jhefū Criftū / vnd dy heyligē criftlichē kerchē/ wert vns v<sup>s</sup>gebin alle vnſe ſchult// wie breit wy lang wie groſß fy ift/ vnd daz eyn mēſche allir mēſchen funde gethan hette/ wañ ez mogelichin w<sup>s</sup>e/ nach w<sup>s</sup>e dy ſchult alle gar kleyne zcu ſchatzeñ / begin der barmherczikeit gotis/ vnd deme ſchatze der heyligin kerchin/ Vnd da ſal der mēſche nicht ane zcwifelē / vnd we<sup>s</sup> ſache daz der tufel mo[...]t rüwe gehabe/ der dach eyn aſang allir funde ift/ fy mochte ym v<sup>s</sup>gebin werdē/ alfo groſß ift dy barmeherczikeit gotis// Abir vo[...] fyner höchſart wegē/ mag he nicht ruwe gehalten/ von eygenir boſheit/ Waz ift dy ſchult/ daz ift keren/ vnd hinder ſich treten vō gote willich/ vnd von liebe des neſtē / der ift nicht eyn kint gotis/ vnd god er

F181-01v,05 zörneftu in fynē kindern/ wañ du nicht v<sup>s</sup>gebin wilt/ dyme nehftin durch gotis willē/ fo wirt dir ouch nichtis v<sup>s</sup>gebin wanne du betiſt daz dir v<sup>s</sup>gebin werde / als du v<sup>s</sup>gebift dynē ſchuldige<sup>n</sup>/ Alfo du wilt dynē neſtin/ als ſal dir ouch ge

F181-01v,06 fchen/ vnd andirs nicht Daryme v<sup>s</sup>geb/ fo wert dir ouch v<sup>s</sup>gebin Du wilt daz dir god vele v<sup>s</sup>gebe/ daryme daz du ey criftē

F181-01v,07 mēſche/ vnd getorfft biſt/ vnd eyn kint gotis geheiffen/ fo thu als dich dín vat<sup>s</sup> gelernet had Vorgib dyme brude<sup>s</sup> eyn cleynes/ d<sup>s</sup> ouch eyn kint vnd eyn fōn gotis ift/ du haſt dich v<sup>s</sup>ſchult begen gote dem almechtigē/ vnd dyme vaterē /daz ift gar abir groſß ſal dir daz v<sup>s</sup>gebē werdín/ So v<sup>s</sup>geb dynem brude<sup>s</sup> ey cleynes / daz he wedir dich getan had fynē brude<sup>n</sup> // Dy geiftlichin recht wieſin vns uß/ wie groſſe funde fy deme fone/ der den vater erczornet/ Ez ift vele groſſer pyne/ vnd buſſe daruff gefatzt/ danñ fo he fynen bruder erczornet hette/ den groſſē vndir

F181-01v,08 ſcheid bedenke/ vnd v<sup>s</sup>geb uffdaz dir v<sup>s</sup>

F181-01v,09 gebin werde/ Alle dyne gud tete/ dyne① Almoſen/ dín gebeth ift alles v<sup>s</sup>loren vnd v<sup>s</sup>nicht/ ane dy v<sup>s</sup>funūge met dyme neſtin// Als vnſir liebír h<sup>s</sup>re ſelbiſt ge

F181-01v,10 ſprochin had/ Had dín bruder ettewaß wedir dich gethan/ lege dín oh<sup>s</sup> nedir / vnd v<sup>s</sup>funē dich met dyn<sup>m</sup> brude<sup>s</sup>/ ② ② Vnd füre vns nicht ín v<sup>s</sup>fuchunge Wir fint alhy jn v<sup>s</sup>fuchunge diſſer werlde/ van machēm fyende werden wir v<sup>s</sup>fucht Daryme mußē wir betē v<sup>m</sup>e hulfe/ vnd geleyte/ wañ wir fint uff deme wege/ daz wir vō dannē follē zcu dem vatirlande/ wer da geleite had der ghed ficher/ wer abir geleytis nicht en betet/ nach begert/ der wert vele ge=

F181-01v,11 fangē/ vnd kōmet zcu ſchadē/ dy da ge=

F181-01v,12 wanheit habin zcu fundigē/ dy wand<sup>n</sup> ane geleitē/ vnd wegē dy funde geringe vnd werdín v<sup>s</sup>blendet met de<sup>s</sup> vinf<sup>s</sup>niffe der fundē/ daz fy daz ware licht nicht ge

F181-01v,13 fehē magē/ daz wicket von en/ als dy fūne vndir ged/ fo kōmet dy finſternacht Der v<sup>s</sup>fchunge fint alfo vel/ vnd fo krefftig / daz eyn iglicher menſche/ he fy gud addir boſe/ wol hulffe bedarff von gote/ das he nicht v<sup>s</sup>laſſen werde in der v<sup>s</sup>fuchūge wann wy werdín ſtetes angeuertiget / vnd v<sup>s</sup>fucht vō deme fleiſſche vō der w<sup>s</sup>lde / vnd von dem tufele/ vnd deme mogē wir gar hart wedirſtehñ/ wir bedorffē hulfe vō gote/ wann he vns nicht v<sup>s</sup>laſſē wel/ Abir wir müſſen vnſñ fließ ouch thün/ woldē wir müt vaſtē vaſte betē v<sup>m</sup>e hulfe/ Vnd woldē wir ouch von fundē nicht abelaſſē/ fo wordē wir ouch v<sup>s</sup>laſſen von gote/ Man findet leyder vel mēſchen/ dy met yrm boſē willen v<sup>s</sup>or kōmē/ vnd beitin nicht daz fy v<sup>s</sup>fucht w<sup>d</sup>ē/ /vnd gebin ſich ſelbiſt ín varfuchunge① vnd wollen dy ſtete nach dy gefellchafft nicht mydē Vnd alles daz ön eyne örfache ift zcu fundigen/ dy gebin ſich ſelbiſt wil=

F181-01v,14 leclichin ī v<sup>s</sup>fuchūge/ we<sup>s</sup> daz nicht ey törecht<sup>s</sup> mēſche/ der ſich fyne viende ín dy hende gebe/ deme he dach wol en

F181-01v,15 ghen mochte/ He en dorff nicht ſprechē /daz on god v<sup>s</sup>laſſē habe/ He had ym obir fynes willē v<sup>s</sup>henget/ Wanñ god nymād obir fynē willē zcu hēmele habin wel/ ② Sund<sup>n</sup> loſe vns von obele AmeN SO ift hy nergent eyne ſtat/ da nicht obels fy wir fint nach deme fleiſſche Adāms kinde<sup>s</sup>/ vnd von jagent uff zcu obele ge

F181-01v,16 neyget/ Von obele daz ift von fundē// Alles obels ift dy helle fföl/ vnd boſe obir alles boſe/ Jz ift nicht als boſe Man vindit dach ettewaß gutes jn ym// Danñ ín der helle ift nichtis gutes/ wenñ alles obels vnd alles boſe ane ende// Daryme ſollen wir god den h<sup>s</sup>rm betín/ daz he vns vō dem obele der fundē erloſe/ dy eyn weg ift zcu allem obele/

daz ist dy helle / waz ist von obele daz ist der hēmel / vnd dy ewige vroide/ vnd dy ewige wūne wann nichtis boßir ist/  
nach gefy mag da alles obel ende had// Daz v<sup>s</sup>lyhe vns der allmechtiger god/ durch fyne eyngēborn Jhesum Cristū/ met  
der gnade dez heyligen geistes/ AmeN ② ② ② Dy ußlegūge obir daz heylige pater nofter als ez der hochwirde Cardenal  
zcu wyē geprediget had in der fastnacht Als mā schribet nach xpi geburte tufēt